



Stranka za Bosnu i Hercegovinu Općinska organizacija Novi Grad Sarajevo
Trg solidarnosti br.15, 71000 Sarajevo, Tel: (+387 33) 498-436, Fax: (+387 33) 498-436

**n/r Premijeru Kantona Sarajevo Nihadu Uku,
ministrima u Vladi KS i zastupnicima u Skupštini KS**

**Zastupnik u Skupštini Kantona Sarajevo,
Jasmin Šaljić**


Pokrećem inicijativu za izmjene Zakona o koncesijama u Kantonu Sarajevo, da se u članu 24. Zakona o koncesijama Kantona Sarajevo, briše stav (2), koji govori o jednokratnoj taksi – taksa na pravo, koja tjera investitore iz Kantona Sarajevo, jer postoji samo u Kantonu Sarajevo, nema je entitetu RS, ostalim Kantonima u FBiH, kao ni u državama u okruženju (Srbija, Hrvatska, Crna Gora).

Obrazloženje:

Naime, koncesiona naknada se sastoji od Jednokratna takse – (taksa na pravo) koja se plaća odmah i to unaprijed i standardne i redovne takse na korištenje. Kada investitori žele da sklope koncesioni ugovor u Kantonu Sarajevo, primjera radi ako žele da investiraju u kamenolom na 25 godina osim redovne takse na korištenje, dočeka ih i ova jednokratna taksa na pravo koja se plaća unaprijed za cijeli navedeni period, a to su obično milionski iznosi. Većina domaćih investitora nema taj novac, dok strani investitori imaju novac, ali da bi investirali ne žele da plaćaju ovu jednokratnu taksu našem Kantonu, koja u okruženju ne postoji.

Ovom taksom sam Kanton Sarajevo gubi značajna novčana sredstva, jer se investitori okreću u entitet Republika srpska, koji je samo par kilometara udaljen od Kantona Sarajevo, jer tamo ne plaćaju ovu taksu. Samo u posljednja 4 mjeseca domaći i strani investitori da bi izbjegli kantonalnu jednokratnu taksu investirali su u entitet Republika srpska cca 500 miliona maraka u obnovljive izvore energije, 200 miliona je otišlo na područje Rogatice, a 300 miliona na područje grada Trebinja.

Ova taksa je ujedno diksriminatorska, jer stavlja u nepovoljan položaj Kanton Sarajevo i odbija investicije kako domaće tako i strane. Zbog svega navedenog predlažem Vladi i Skupštini Kantona Sarajevo ukidanje ove takse tj. da se iz člana 24. izbriše stav (2) i da samo ostane redovna taksa, kao i svugdje u okruženju.


Podnosilac inicijative
Jasmin Šaljić